



## تمرّة رمضان

العدد رقم 30

### سلطة الشمندر

تحضر هذه السلطة بعدة طرق  
مكوناتها الأساسية : شمندر +  
بصل + عصير ليمون + خل +  
ملح + زيت زيتون + خس.

### العين النضاجة

نضاختان بالمسك والعنبر ينضخان على دور  
أهل الجنة , كما ينضخ المطر على دور أهل  
الدنيا . وذكرت في الآية الكريمة رقم 66 من  
سورة الرحمن بسم الله الرحمن الرحيم (فيها  
عينان نضّاختان ) صدق الله العظيم

### المتة

مكونات هذا المشروب : منقوع أوراق نبتة المتة الجافة  
+ ماء ساخن + يشرب بواسطة القشة المصنوعة من  
الفضة أو النيكل.

أصل المشروب من الأرجنتين إلا أن المهاجرين  
السوريين نشروه في بلاد الشام أوئل القرن الماضي.






### تعزيلة الدار

بصيرش يا ستي تبلشي بأوضة الضيوف تعزيلة الدار مش هسذ بتصير لازم تعرفي أنه هيذ رح تعيدي شغلك مرتين ثلاث ومش رح يبين إنك عزلتي الدار، شغلة مش بالمر ليع بدك تشوفي كيف بتصير بنفكن كل البرادي وبنغسلين وبنمحسن الشبابيك كلهن من جوا وبرأ مش لغرفة لا للغرف كلها ولما تخلصي بتبلشي بالسقف البراويش والثريات وكل شي معلق وهيذ بصير كل شي فوق الأرض صار نظيف بعديها بتبلشي شطف بالأرض مع مسح وبعديها الكنايبات والكراسي والطاولات وإللي عليهن تنظيف وتزبيط وصمد، ولما تخلصيهن بتفوتي السراير والتسريحات ولما تخلصين بصير وقت المطبخ وتليفه وتلميعه، ولما تخلصي بتطلي تنظيفي حولين الدار وعلى باب الدار ومطرح ما بقعدوا الخطار وبترجعي تركبي البرادي وتنظفي الحمامات ولما تخلصي نظفي حالك وأكوي الأوعي وجهزي قهوتك هيذ بتكوني عزلتي الدار وصارت جاهزة لضيف الغريب قبل الضيف ليعيد.

يا تيتا والله هلاك أنا مش عارف ليش بدي إعمل كل هاظا على أساس الضيوف بده يشوفوا شباكنا ملع ومطبخنا مليف وحمامنا مفروك ما هو غسمة ضيف بقعد ربع ساعة بأوضة الضيوف وبطلع، أنا رح أركز على أوضة الضيوف ويس؟ إيش يعني يا ستي بدك تشتغلي شلقة شغل اشتغلت شوفوني وانغلطت سامحوني ما بصيرش هيذ، إنتي بدك تعرفي أنه هاظا عيد وبتعرفيش إللي جاكي من وين جاي، يمكن مرا بدها تصلي فبدك دخلها أوضتك ويمكن ختیار حصران بدو الحمام ويمكن واحد جاي من ثاني بلد وجاع وبده يوكل بمطبخكم ويمكن وألف يمكن وقد ما رح يمر عليك عياد بتعرفي إنه كل الدار بدها تعزيل، السنة الفاتت إجا الشباب وصاروا بدهم يدخنوا وفتحوا كل الشبابيك بالك لو إنه كان في غبرة وإلا برداية مش مكوية كان صار أبوكي علكة بلساناتهم، الله بعينك يا ستي وهياتني بساعدك وكمان إمك بتساعدنا كمان بس إللي بقول بكرا عيد يعني بيته قايم قاعد ليعطي الحق والواجب، حق الضيف تنظفي بيتك إله وتحسسيه أنه أهلا وسهلا فيه والواجب أنه أبوكي يقول عندي بنت معدلة وبتبيض وجهي قدام ضيوف.

حكاوي

ستي







خروفية

### خطية اليتامي

حكي وقول ما يا محلي الحكي بعد الصلاة والسلام على سيدنا محمد صلى الله عليه وسلم قالوا أهل زمان عن أخبار اليتامي وظلم مرت الأب ويا ويلي على الزغار لما تيجيهم مرت أب قادرة وقوية، بس إلا ما ربي ما ينصر المسخم الضيف لو بعد ميت سنة إلا ما يرجع الحق يغلب والفقير ينتصر. قالوا إللي بقولوا حامد إللي مرته كثير وكانت مطيعة واسمها آمنة جابت له بنت ولحق جابت كمان صبي بس يا حسرة وهي بتلد بالصبي ماتت ويا حزن جوزها عليها بس إيش بده يعمل وكيف بده يربي الزغار، قاله عمه أنا جوزت آمنة ومن بعد آمنة خذ سهاد أختها بتضلها الخالة إلا ما تحن على أولاد أختها، وحامد وافق وجابها على البيت وقالها كل شي إلك إلا هالمعزة هذه لأولاد آمنة يلعب معها ويشربوا من حليبها، وسهاد وافقت لحد ما صار إلها ولد وبنت صارت دير بالها على ولادها وطعمي ولاد أختها توالي الأكل الباي، بس دايماً الناس يحكولها ليش وجوه ولادك صفر مثل ليمونة وولاد آمنة مثل التفاح حرام عليكي دير باله على ولادك بلاش كل الخير لولاد آمنة، وهاي سهاد من جوا فاقعة مش عارفة ليش هيذ بصير فيها وبولادها.

ومرة من مرات قالت لابنها بدي إياك تروح مع ولاد آمنة وتشوف وين بروحوا وإيش بيوكلوا؟ راح هالولد معهم ولما جاعوا بالخلا قالهم إيش معكم قالوا: خانتا أنطتنا خبز ناشف صار يحكي لع بدنا نروح ندور على لحم ودسم، قام قالوا له إذا بتكنم السر بتوكل بدون تعب رزقة من ربي قالهم أنا صم بكم، وإلا قالوا للمعزة طلعينا من قرونك صينية مسخن وإلا عنجد طلع لكل واحد جاجة وكماجة، ولما روحوا سألت سهاد ابنها إيش أكلته قالها: ما أكلتش إلا خبزك الناشف، قام سهاد ما صدقوش وثاني يوم بعث بنتها مع ولاد آمنة ولما وصلوا الخلا قالت جو عانة ونفسي أوكل دسم، قالوا لها إذا ما بتحكي لأمنا بتوكلي تا تشبعي، فقالت أنا صم بكم وإلا ما شافت إلا قرون المعزة بتفتح وبطلع منها منسف معرم لحمة كانت توكل مثل الغولة بس كانت كمان تخبي بعيا لحم ولما روجت عند أمها قالت لها كبت وكبت صار وهيذ وهيذ بعملوا، راحت سهاد تمارضت ونامت بفرشتها وقالت الداية تقول لحامد أنه سهاد ما رح طيب إلا لما تذبج معزة اليتامي؟ ولما سمع حامد حكي الداية قالها: ألف معزة ولا هالمعزة هذه لولاد آمنة، وفات على سهاد وقالها: إختاري زي ما خيرتك قبل ما تفوتي الدار كل شي إلك إلا المعزة وإذا دواكي المعزة خذوها بس بتكوني طالق بعديها لأنه شرط زواجك إنه المعزة مش إلك وهالقيت صار الحكي والحكم من ثمك وإللي أوله شرط آخره نور.

ثاني إنهار قامت سهاد من فرشتها وصارت تبوس بالمعزة وتقولها طيب ما أنا يتيمة وبربي بيتامي ليش ما بتطعميني مثل ما بتطعميهم وإلا إنتي خص نص لولاد آمنة، قام طلعت بعيون المعزة وشافت صورة أختها آمنة ودموعها نازلة وحكت إلها يم يا ختي كمان للاحقة ولادي على اللقمة فوق ما إنتي هاملهم ولا سائلة فيهم، ولما سمعت سهاد الحكي مرضت عنجد وصارت مثل المشلولة، وإجوا ولاد آمنة وصاروا يفتحوا قرون المعزة ويعملوها أكل المحمر ومقمر وعصاير وكل إللي بتطلبه لحد ما صارت قوية ورجعت إلها صحتها ومن بعديها صارت دير بالها على ولاد آمنة وتقول خطية اليتامي بتكسر الظهر عمري ما رح أزعل يتيم.



### الموسوعة الفلسطينية الشاملة

تأليف : الباحث والإعلامي المقدسي نواف الزرو.

صدرت عن دار مجدلاوي للنشر والتوزيع .

صدر

حديثا

## فراشات فلسطين

الاسم العلمي

**Thymelicus Sylvestris**

ثيمليكس سيلفستريز

